

*forte veri-
tas

congregatione propositi servientes, deprecamur, ut digneris nostro officio salutare, ut cum tua Beatitudine omnes pro nobis orare dignentur. Indiscrepanans * trinitas Domini nostri Jesu Christi apostolatum tuum, quem elegit per gratiam, conservet nobis in Ecclesia sua, & nostri memorem coronet in Ecclesia magna; quod optamus, domine. Si quid autem famulus tuæ Sanctitatis frater suggesserit Florus, pro regula monasterii; digneris, pater, petimus, libenter accipere, per omnia nos infirmos instruere.

* Al.
CCLVII.

EPIST. * CCLVIII.

Augustinus Saturnino & Eufрати.

Dominis dilectissimis fratribus presbyteris, Saturnino & Eufрати, & clericis, qui vobiscum sunt, ad unitatem Christi pacemque conversis,
Augustinus, episcopus, in Domino S.

Ad Eph. 5.
23.Ad Col. 1.
18.Psal. 56,
(57.) 12,II. ad Tim.
3, 15.Psal. 95,
(96.) 1.Ad Eph 4,
23.Psal. 56, (57.)
12.

Lætificavit nos vester adventus: sed non vos absentia nostra contristet. In illa enim Ecclesia sumus, quæ, propitio Deo, licet usquequaque porrecta & toto orbe diffusa sit; unum tamen corpus est magnum unius capitis magni; quod caput ejus est ipse Salvator; sicut Apostolus dicit. De hujus autem capitis glorificatione, quæ post ejus resurrectionem futura fuerat, tanto antè propheta prædixit: *Exaltare super cælos, Deus: & quia, illo super cælos exaltato, Ecclesia ejus omnem terram copiosâ fecunditate fuerat impletura, consequenter idem Psalmus adjunxit: Et super omnem terram gloria tua.* Proinde, dilectissimi, stabili mente & firmissimo corde sub tam excelso capite, in tam glorioso corpore, persistamus, in quo invicem membra sumus. Unde etsi remotissimis terris mea longinqua esset absentia; in illo simul essemus, à cuius corporis unitate recedere non debemus. Si enim nos una domus haberet; utique simul esse diceremur: quanto magis simul sumus, cum in uno corpore simul sumus? Quanquam & in una domo nos esse Veritas ipsa testatur, quoniam sancta Scriptura, quæ corpus Christi esse dicit Ecclesiam, ipsa itidem dicit, Ecclesiam eandem esse domum Dei: sed hæc domus non orbis terræ uno angulo ædificatur; sed per omnem terram. Unde ille Psalmus, in cuius titulo legitur: *Quando domus ædificabatur post captivitatem; sic incipit: Cantate Domino canticum novum: cantate Domino, omnis terra.* In vetustate quippe veteris hominis, orbem terræ diabolus captivaverat: post hanc captivitatem cum ædificatur domus, renovatio fidelium significatur in homine novo. Unde dicit Apostolus: *Exuite vos veterem hominem, & induite eum, qui secundum Deum creatus est: & quia hoc per omnem terram fit in unitate catholica; sicut in alio Psalmo dictum est: Et super omnem terram gloria tua;*
sic